



廬山詩

西河毛心齋重訂



廬山志

順德堂藏板

廬山志序

山之需志由來舊矣乃名山  
終古摩青而志則隨時漫滅  
若上交之西山上官之麻姑  
宋人著作不復可覩矧晉代  
葛仙幕阜諸志耶此亦道古

者所未如何也廬山奇秀作  
鎮東南視五嶽且不相讓何  
論幕阜麻姑之屬余承乏江  
右登眺者不啻再三乃知山  
奇於瀑龍池玉淵谷簾而外  
復有擅名三疊者昔賢聞而



心折焉其秀在石天然肖宋  
元皴法九十九峯星羅綦布  
而五老突兀七千餘丈出雲  
致雨俄頃萬狀山跡所云廬  
嶽無至峯峰峰自雄長者其  
說踈已若乃東西二林象設

最古暨宋而五百僧房綴松  
蜜脾宗風亦云盛矣邇者

御書般若心經供奉開先寺中兼  
賜秀峯寶額雲漢

天章照耀林壑煥乎稱山南梵刹  
之冠至于白鹿洞者則尤斯

文之寄托而江表所仰瞻者  
也地雖闢於李賓客教實興  
於子朱子我

皇上重道崇儒於文公倍加篤信  
賜額曰學達性天升堂配享復以  
十三經二十一史

廬山志

序三

頒賜洞中俾士子春誦夏絃颯颯  
乎度越千古因歎自有宇宙  
即有匡廬遲之又久乃得遭  
逢

聖代儒術光昌而文教蔚起視從  
前之封爵牢醴失實近誕者

山靈有知當必歆此而厭彼  
矣廬山舊志始自東晉慧遠  
又景式而下十餘家皆失傳  
其有完本可閱者惟桑侍御  
番紀事釋定嵩通志吳學使  
煒續志與夫但宗舉之文紀

詩紀而已星子毛令德琦當  
銓補引

見時敬承

天語即有志於山志洞志二書輯  
故增新釋疑訂誤積勤者五  
載聿觀厥成是能表潛名藏

而揆藻儒林者也余故樂以  
一言弁諸簡端

康熙五十有九年歲次庚子

六月蓋平白潢序



廬山志

序五

廬山志序

天下有未造其地未覽其勝而據舊文以示之後者皆謬也匡廬為宇內名山予按圖記思得一遊而探其神皋與區之所存久矣歲丁酉奉

命視學西江道過潯浦遵廬山之陰小憩東林寺見北香爐峰心竊喜之以謂勝遊之將如其願為可幸也已亥夏按試南康違山

廬山志

卷一

王序一

十里亟欲乘暇歷遊然試事匆遽僅得入秀峰寺而返則予造其地未覽其勝雖遊與弗遊者等今年春復試南康事竣擬暢觀玉峽簾泉寨雲竇墨諸名勝訪求神禹治水摩崖處以快其生平所未覩又緣速按他郡亦僅得入秀峰寺一宿而返凡所謂高七萬八千四百尺延袤五百里中弗能一二指數雖兩遊究與未嘗一遊者等

甚矣予有負名山之約之為陋且俗也無  
已博稽傳述以盡茲山大略聞有桑吳兩  
志不得見而釋定暉所續修者半雜以蕪  
穢不可為典制今星子令心齋毛君乃出  
其新纂二十卷示予其書原本前人然增  
刪精確更廣搜衆考證以身所閱歷省目  
朗列脉絡通貫俾讀者如久居此山一  
親所登眺可謂既造其地又覽其勝而詳

廬山志

卷一

王序二

言之不謬者昌黎子南山詩云團辭試提  
挈挂一念萬漏此志可以無譏矣予他日  
得解組為五嶽之遊復從匡廬始按此志  
隨其所之不迷於徃心齋不既導予以先  
路哉雖然閱斯志不遊已無不遊矣即不  
必遊也亦可嘗

康熙歲次庚子季春穀旦提督江西等處  
學政翰林院檢討加一級梁南王思訓撰

王陽明

樂志

廬山志 卷一

王序三

廬山志序

自有天地即有五岳上北外甲東南者  
有廬山北博太雄奇非黃霍瀟諸山所  
可比其橫亘四出雖片石孤岑皆挾烟  
雲之氣極古今之遊歷共相贊美亦各  
見夫一班兩已卷山之蜿蜒盤結拔地  
凌霄南康當其陽九江倚其陰延袤數

百里而溪七重高起七千丈其擅奇呈  
異不一而足如四岳九牧各奏乃績而  
共亮天工非人所能一測也世之躡  
遊屐隨樵徑極其所止不累糧涉月不  
能窮其奧即窮之以足之所經目之所  
睹而于廬山之博大雄奇求其犁狀有  
當也能乎哉是殆遊乎廬山之內而夫

遊乎志書之中也志之為重於廬山有  
如此已亥年余秉節茲道披圖而覽自  
詫湖光山色一旦几席間俄而往來大  
府輜軒則依山之北檣帆則挂山之南  
褰帷自喜心目曠然因念巍峩天壤聳  
峙一方雖凌雲跨岳而秩祀未加徒供  
高人之揆奇攬勝不審山靈之志搃何

如而山之博大雄奇自若也邇星子毛  
令以廬山志相質恍狀如逢故人披覽  
一過見其條分縷析斬朕有緒而某山  
吾之所登某水吾之所臨某院吾之所  
誦學某寺吾之所行遊且遙望而未躋  
者幾何峯遙聽而瀕洞者幾何水危峰  
側徑岩栖艸結者幾何屋莫不一一按

圖執說如身歷焉由是而知網羅考証  
無毫髮遺憾可知也山得姓以匡俗上  
字子孝慧遠記作匡續世代不可考至  
於山之碑記序誌詩詞代有流傳班班  
可攷順治庚子之志尤為成書而與此  
志之詳畧去取覽者能自得之毛令且  
以序請嗟乎山雖待志以傳而志則不

廬山志 卷一

石序三

因序以重余媿不能為皇甫然前以分  
司其地見聞之親切由今之志觀廬山  
之山若水如行部肢依稀心目則是誌  
為之此余樂得而弁其首也若夫發凡  
起例著明脩誌之意毛令固已自識之  
今不復云

康熙庚子歲菊月江西等處提刑按察

使司按察使加四級紀錄十次蘓萬

石文焯撰



廬山志

卷一

石序四

廬山志序

宇宙間名山勝地自五嶽而外首推匡廬說者謂卽尚書所紀敷淺原太史公南遊登其上山遂以著諒哉李供奉之言曰余行天下所遊覽山水甚富俊偉詭特鮮有能過之者真天下之壯觀也余少時先大人連守吉瑞二郡於廬

廬山志

山爲鄰封心竊樂遊而日侍宦舍以不克携阮公蠟屐一登探爲憾逮己丑余分臬斯土閱癸巳歲恭遇

皇上萬壽祝釐於廬山秀峰寺呼嵩之餘乃得縱觀棲賢三峽歸宗諸名勝玉泉瀑布翠壁丹崖窮幽絕險旣驚盪神智亦軒豁耳目昭曠怡愜深快得諧夙願而

益信古之人不余欺也時因喟然歎地  
與人每交相重而地尤係乎人椰子云  
蘭亭不遇右軍則清流激湍亦蕪沒於  
空山矣茲山崇巖邃壑高削數千仞蜿  
蜒亘五百餘里竒秀雖甲天下而苟非  
淵明李賓客暢清風於前紫陽夫子闡  
儒宗於後其何以動千百世仰止竦慕

廬山志

而且

龍章永鎮山靈秘書頒諸內院琳庭珍館幾  
與岱宗恒霍埒於戲豈非遭逢之極盛  
者歟自是又數稔局於簿書即巡跡間  
及其境內而王事倥傯未復鼓登山  
之興唯時往來意中而已頃星子令毛  
君以重訂山志告成來丐言亟取披覽

分是山爲徑者四各詳所從入之塗某  
山水某洞刹就方位顛趾而挈其綱條  
其目俾遊陟者不迷於向往而群可搜  
殫其勝其紀事本之桑公舊志又掇拾  
見聞增補所未逮亦可謂該且核矣夫  
志與史異史以彰善癉惡志則專舉其  
善之可傳史之爲例甚嚴而志雖片言

之遺一節之美至方外放佚之士亦得  
備書於簡而其旨突歸於善也欲長况  
考據必真荒誕恠渺之說必黜傳訛習  
謬之談必闕疑存信是志與史亦未始  
有異也後之覽者於禹貢史記得其略  
于志得其詳身未能至亦恍披五嶽圖  
臥遊若列簪指掌焉然則此山志又易